


125-126



百廿五至百廿六

續文獻通考卷之一百二十五

皇明進士雲間王圻纂輯

王禮考 田獵

遼

遼制以十二月辰日前期一日詔司獵官選獵地其日皇帝皇后焚香拜日畢設圍命獵夫張左右翼司獵官奏成列皇帝皇后陞輦敵烈麻都以酒二尊盤殮奉進北南院大王以下進馬及衣皇帝降輿祭東山畢乘馬入圍中皇太子親王率羣臣進酒分兩翼而行皇帝始獲

兔羣臣進酒上壽各賜以酒至中食之次親王大臣各
進所獲及酒訖賜羣臣飲還宮 應曆元年冬漢遣使
來賀自是歲以爲常儀統和中罷之

太祖九年十月釣魚于鴨綠江 神冊四年正月射虎東
山 天贊三年十月征吐渾等部獵寓樂山獲野獸數
千以充軍食 十一月射虎于烏刺邪里山抵霸室山
六百餘里且行且獵日有鮮食軍士皆給

太宗天顯三年三月乙卯東蒐癸亥獵殺獐山乙丑獵松
山 四月己卯祭庶鹿神丁亥于獵所縱公私取羽毛

革木之材丙申獵三山 五月丙午獵刺索山 四年

六月選輕騎數千獵近山 十一月觀漁三义口 七

年八月捕鷲于沿柳湖風雨暴至舟覆溺死者六十餘
人命存恤其家識以爲戒 八年五月獵獨牛山 九

年正月漁於土河 十年七月獵南赤山 十一年正

月釣魚于土河 會同元年正月獵松山 二年三月

畋于裏潭之側 十二月釣魚于土河 三年三月獵

水門獲白鹿 七月獵狷底烈山 侍中崔窮古言晉

主聞陛下數遊獵意請節之上曰朕之遊畋非徒縱樂

所以練習武事也乃詔諭之 八年七月獵平地松林
穆宗應曆二年九月獵炭山 十一月獵于近郊 三年
二月觀漁于神德湖 七年十月獵于七鷹山 八年
七月獵于拽刺山 十一年四月射不視朝 十二
年秋如黑山赤山射鹿 十三年四月獵于潢河 八
月幸近山呼鹿射之旬有七日而後返 十一月獵飲
于虞人家凡四日 十二月射野鹿賜虞人物有差
十四年五月射舐齧鹿于白鷹山至于浹旬十二月
獵于玉山竟月忘返 八月如磴子嶺呼鹿射之獲鹿

四賜虞人女環等物有差遼法廢岐角者惟天子得射
時秋獵善鹿鳴者呼一廢至命夷獵葛射應弦而踏上
大悅賜金銀名馬及抹真地 十五年二月以獲鴨除
鷹坊刺面腰斬之刑 三月虞人沙刺迭偵雁失期加
炮烙鉄梳刑而死 十六年三月庚午獲鴨甲申獲鷺
酣飲達旦 十七年九月自丙戌朔獵于黑山赤山至
于月終 十八年五月獲鴨于述古水野飲終夜 七
月獵獲熊又獵于西京諸山 十九年正月如懷州獵
獲熊飲醉還宮為近侍所弑

續文獻通考
史臣曰穆宗荒耽于酒畋獵無厭賞罰無章嗜殺不已
變起肘腋宜哉

景宗保寧六年七月獵于平地松林 七年十月釣魚土
河 九年十二月獵于近郊 十年南院樞密使兼政
事令郭襲上書諫曰昔唐高祖好獵以蘇世長諫
罷史稱其美伏念聖祖創業艱難修德布政宵旰不懈
穆宗逞無厭之欲不恤國事天下愁怨陛下繼統海內
翕然望中興之治十餘年間征伐未已而寇賊未除年
穀雖登而瘡痍未服正宜戒謹脩省以懷永圖側聞恣

意遊畋萬一有銜屨之變搏噬之虞悔將何及況南有
疆敵伺隙而動聞之得無生心乎伏望陛下節從禽酣
飲之樂為生靈宗社計則有無疆之休上覽而稱善帝
嘗獵頡山豪猪突駕御者驚避耶律幹獵射而斃之後
獵赤山角鹿突前垂犯蹕亦賴幹獵以免 乾亨四年
八月獵于祥古山

聖宗統和元年八月獵赤山遣使薦熊肪鹿脯于慶陵凝
神殿 十一月觀漁撻馬灤 十二月皇太后觀漁于
玉盃灣辛丑觀漁于濬淵 二年正月朝皇太后太后

因從觀獵于饒樂川 四年正月觀漁土河 六年十
二月田于沙河 七年五月獵桑乾河 十一月獵于
好草嶺 十二月禁止網捕兔 十年十二月獵儒州
東川 十二年十月獵可汗州之東山 十四年正月
獵于潞河 十一月詔諸軍官毋得非時畋獵妨農
十五年八月獵平地松林 皇太后誡曰欲不可縱萬
一有銜楸之憂變遠貽予憂其深戒之 十九年十一月
觀漁儒門灤 二十三年十一月觀漁桑乾河 二十
七年正月釣魚土河獵于瑞鹿原 二十九年秋獵于

平地松林 開泰二年七月釣魚曲溝 十月畋庶井
之北 三年正月畋黃河濱壬子帝及皇后獵瑞鹿原
四年正月戊子命詳穩拔姑澹水瑞鹿原以備春蒐
丁酉獵馬蘭淀 八月射鹿秋山至于九月復自癸丑
至辛酉連獵于有栢碎石大保響應松山諸山 五年
五月皇弟南京留守秦晉國王隆慶來朝上親出迎勞
于實德山因同獵于松山 七月獵於赤山 六年十
月獵鐸子河 太平元年二月獵高柳林 七月賜從
獵女直人秋衣是月獵潢河 二年正月如納水釣魚

三年正月如納水釣魚 七月獵赤山 四年二月
獵撻魯河 五年七月獵平地松林 七年四月獵黑
嶺 八年七月獵平地松林

興宗景福元年十一月縱五坊鷹鷂 重熙元年二月大
蒐 四年六月獵于黑嶺 五年九月獵黃花山獲熊
三十六賞獵人有差 六年四月獵野狐嶺 七年四
月獵白馬場 八年七月如混同江觀漁庚戌又漁于
率沒里河 十年九月皇太后射獲熊上進酒為壽癸
亥上獵馬孟山草木蒙密恐獵者誤射傷人命取律迪

姑各書姓名于矢以志之丙寅以石磽砮太保郭三避
虎不射免官 十三年正月獵兀魯館岡 十五年九
月禁置網捕狐兔 十六年自七月至九月日獵于楚
不溝石塔諸山 十七年閏正月射虎于侯里吉時有
虎奮怒左右辟易陳昭衮捉虎兩耳騎之伺便拔刀殺
虎 十八年正月獵霸特山 十九年七月獵侯里吉
二十一年十月射虎于南撒葛栢 二十三年正月
獵雙子淀又獵盤直坡 四月獵合口忽里 九月獵
遇三虎縱犬獲之 二十四年八月以疾大漸縱五坊

鷹鷂焚釣魚之具

道宗清寧二年四月詔曰方夏長養鳥獸孳育之時不得
縱火于郊 四年正月如鴨子河釣魚 七月獵于黑
嶺 五年十一月禁獵 七年四月禁吏民畜海東青
鷂 咸雍元年七月以皇太后射獲熊賞賚百官有差
十月幸醫巫閭山以皇太后射獲虎大宴羣臣令各
賦詩 二年正月御安流殿釣魚 四年正月獵炭山
七年獵黑嶺 六年七月獵于合魯攝持 十二月
禁漢人捕獵 七年八月以置佛骨于招仙浮圖罷獵

禁屠殺 八年閏七月射熊于殺羊山 九年七月獵
大熊山 大康元年二月以獲鷂加鷹坊使耶律楊六
為工部尚書 七月獵平地松林 二年八月獵于秋
山遇麋失其母憫之不射 五年三月以宰相耶律仁
傑得頭鷂加侍中 七月獵夾山 六年四月獵炭山
七月獵沙嶺 九年七月獵馬尾山 九月射熊于
白石山 大安二年七月獵沙嶺 三年七月獵黑山
越日以大雨罷獵 四年十月獵遼水之濱 五年四
月獵北山 七年八月以霖雨罷獵 八年四月獵西

山 七月獵沙嶺 九年四月獵西山 十年七月獵

赤山 壽隆元年七月獵沙嶺 三年七月獵黑嶺

四年四月以雨罷獵

天祚帝乾統二年六月以雨罷獵 七月獵黑嶺時以獵

人多亡嚴立科禁 四年正月獵木嶺 七月獵南山

五年四月射虎炭山 六年獵鹿角山 七年正月

釣魚于鴨子河 十月獵醫巫閭山 八年七月以雨

罷釣 九年七月獵于侯里吉 八月雪罷釣 天慶

三年正月獵狗牙山大寒獵人多死 五年七月獵于

特禮嶺東 五年七月獵秋山 七年七月獵秋山

八月獵狝斯那里山 九月獵子山 八年七月獵秋

山 九年七月獵南山 十年秋獵沙嶺 保大元年

七月獵炭山

遼之春獵或于鴨子河或于延芳淀至時侍衛皆服墨

綠色衣各備連鈿鷹食刺鴉錐于河灤周圍相去各五

七步排立皇帝冠中衣時服繫玉束帶于上風望有鷲

之處舉旗探騎馳報鳴鼓驚鷲左右皆舉幟麾之皇帝

親放海東青鷲搏鷲墜恐鷲力不勝在列者急舉錐

刺鷲取其腦飼鶻救鶻人例賞銀絹皇帝得頭鷲薦廟
羣臣各獻酒果舉樂更相酬酢致賀語皆插鷲毛于首
以為樂賜從人酒遍散其毛戈獵網釣春盡乃還

金

太祖收國元年三月獵于海城九月獵于近郊

熙宗皇統二年正月巴獵于來流河十二月巴獵于核耶呆

米路巴四年九月巴射于沙河射虎獲之十一月巴獵于

海島三日之間親射五虎獲之九年十一月巴獵于忽

刺溫渾山巴時右諫議大夫程寀上疏畧曰殿前點檢

皇統七年正月乙亥西狩謀
勅甲申至五山仲老石以謀
帝以命是日治候入大澤
中帝易陷因少出云云

聖書

公事同百庚申宰臣

以西朴多麻信帝極高

此字標石久

司古殿巖環衛之任所以肅禁禦尊天子備不虞也臣

幸得近清光從天子觀時田之禮比見陛下校獵凡羽

衛從臣無貴賤皆得執弓矢馳逐而聖駕崎嶇沙磧之

地加之林木叢藪易以迷失是日自卯及申百官始出

沙漠獨不知車駕何在瞻望久之始有騎來報皇帝從

數騎已至行在竊惟天子出入警蹕清道而行至于楚

田雲夢漢獵長楊皆大陳兵衛以備非常陛下膺祖宗

付託之重奈何獨與數騎出入林麓沙漠之中前無斥

埃後無羽衛甚非肅禁禦意也臣願陛下熟計之後若

復獵當預戒有司圖上獵地具其可否然後下令清道而行擇衝要稍平之地為駐蹕之所簡忠義牙爪之士統以親信腹心之臣警衛左右俟麋鹿既來然後馳射仍先遣搜閱林藪明立幟幟為出入之馳道不然後恐貽宗廟社稷之憂帝嘉納之

海陵天德三年正月上出獵宰相以下辭于近郊上駐馬戒曰朕不惜高爵厚祿以任汝等比聞事多留滯豈汝等苟圖目前不以民事自念耶朕將察勤惰以為賞罰其各勉之十二月獵于近郊四年五月獵于立列只

山賜獵士人一羊八月獵于途備山貞元元年八

月禁中都路捕射麋鹿二年九月獵于近郊乙亥復

獵于近郊三年九月獵于流沙河親射麋以奉梓宮

十一月獵于近郊正隆四年十月獵于近郊六

年正月詔自中都至河南府所過州縣調從獵騎士二

千一二月禁扈從縱獵擾民四月次温湯獵奔鹿突

墮馬嘔血數日

世宗大定三年八月勅殿前都點檢唐括德温重九出獵

國朝舊俗從人甚寡今扈從軍二千不無擾民可嚴

賜字若

為約束仍以錢萬貫分賜之 九月獵于近郊 十月

十二月辛酉以所獲薦山陵自是歲以為常 四年二

月獵于高陽之北 十月庚子獵于密陽縣 十一月辛卯冬獵

十二月壬辰獵于近郊 五年九月辛酉秋獵 十二月壬辰獵于

近郊 六年六月庚子南東獵于銀山 八月庚子獵于望雲

之南山 八年七月甲子明獵王義口諭點檢司曰沿路禾稼

甚佳其扈從人少有蹂踐則當汝罪 九年三月丁卯尚書

省定網捕禽獸法或至徒上曰以禽獸之故而抵民以

法是重禽獸而輕民命也自今有犯可杖而釋之十日

年七月癸卯獵于柳河川放圍場役夫詔扈從糧食糶御

緝又勅扈從人縱畜牧蹂踐禾稼者杖之仍賞其直

十年十二月辛酉冬獵 十二年十一月獵于近郊 二

十二年十二月獵于近郊 二十五年五月平章政事

完顏襄奉御平山等射懷孕兔杖平山三十召襄戒勅

之遂下詔禁射兔 六月獵近山見田壠不治命答田

者 二十五年十月禁上京等路大雪及含胎時採捕

十一月詔豹未祭獸不許採捕冬月尺雪以上不許

用網及速撒海 時薛王府掾梁襄諫田獵疏畧曰陛

戊子獵于近郊

續文獻通考
下神武善騎射舉世莫及銜屨之變猛摯之虞姑置勿
論設于行獵之際烈風暴至塵埃漲天宿霧四塞跬步
不辨以致翠華有殺陵之避襄城之迷百官狼狽于道
途衛士參錯于隊伍當此之時宸衷寧無戒悔臣又聞
陛下于合圍之際麋鹿充物圍中壯而大者纔取數十
以奉宗廟餘皆縱之不欲多殺是陛下恩及于禽獸而
未及隨駕困斃之臣庶也議者謂前世守文之主生長
深宮畏見風日彎弧上馬皆所不能志氣銷懦筋力拘
柔臨陣戰懼束手就亡陛下監其如此不憚勤身遠幸

金蓮至于松漠名為坐夏打圍實欲服勞講武臣愚以
為戰不可忘獵不可廢宴安鳩毒不可懷然事貴遠中
不可過當今過防驕惰之患先蹈萬有一危之途何異
無病而服藥也况欲習武不必度閑泳易雄保順薊之
境地廣又平且在邦域之中獵田以時誰曰不可伏乞
陛下發如綸之音回北轆之轍塞鷄鳴之路安處中都
不復北幸宗社無疆之休天下莫大之願也世宗則嘉
納罷之 二十九年九月章宗已即位獵于近郊監察御史
焦旭劾奏太傅克寧右丞相衰不應請車駕田獵上曰

完顏昌考

孫鐸

焦旭 九十七

續文獻通考

此小事不須治之 十二月諭有司女直人及百姓不得用網捕野物亦不得放羣鵰枉害物命亦恐女直人廢射也

章宗明昌元年正月制諸王任外路許遊獵五日過此禁之仍令戒約人從毋擾民 二月遣諭諸王出獵毋越本境 二年二月許猛安謀克戶于冬月率所屬戶田獵二次每出不過十日 丁酉獵于近郊 三年十二月獵于近郊 五年六月如氷井獵登胡土白山酌酒再拜曹王永陞以下進酒 七月獵于豁赤火一發貫

雙鹿是日獲鹿二百二十二賜扈從官有差 辛巳次魯温合失不是日上親射獲黃羊四百七十一 承安三年十二月獵于酸棗林大風寒罷獵凍死者五百人 泰和元年正月以方春禁殺含胎兔

宣宗貞祐三年九月以秋稼未獲禁軍官圍獵 元光元年十月獵于近郊詔免百官迎送且勿治道以勞百姓

元世祖中統三年十月己丑詔禁京畿田獵 至元二年十月己巳禁上都畿田捕獵 太宗五年秋八月獵于必兀思地以阿同葛等充宣差勘事官 九年丁酉春獵于揭揭察哈之澤 冬十月獵

至元元年十月己亥秋日月
至元二年十月己巳禁
至元三年十月己巳禁
至元四年十月己巳禁
至元五年十月己巳禁
至元六年十月己巳禁
至元七年十月己巳禁
至元八年十月己巳禁
至元九年十月己巳禁
至元十年十月己巳禁
至元十一年十月己巳禁
至元十二年十月己巳禁
至元十三年十月己巳禁
至元十四年十月己巳禁
至元十五年十月己巳禁
至元十六年十月己巳禁
至元十七年十月己巳禁
至元十八年十月己巳禁
至元十九年十月己巳禁
至元二十年十月己巳禁

續文獻通考
民家御史二人巡察之

順帝至元元年春正月帝將畋于柳林御史臺臣諫曰陛下春秋鬲盛宜思付托之重致天下于隆平況今赤縣之民供給繁勞農務方興而馳騁冰雪之地倘有銜厯之變奈宗廟社稷何遂止三年春正月帝獵于柳林凡三十五日監察御史丑的宋紹明進諫帝嘉納之贈以金幣丑的等固辭帝曰昔魏徵諫唐太宗未嘗不賞汝其受之是年七月車駕出獵四年二月庚午帝畋于柳林

皇明

英宗天順二年十月上校獵南苑苑在京城南二十里方一百六十里苑中有按鷹臺臺旁有三海皆元之舊也本朝闢四門繚以周垣獐鹿雉兔甚多海戶千餘守視自永樂定都以來歲時蒐獵于此亦所以訓武也是日上親御弓矢命勲將應詔馳射獲輒獻之既畢賜酒饌以所獲分賜從臣而歸

雷禮大政記

武宗正德十二年春正月上獵于南海子
續文獻通考卷之一百二十五終

續文獻通考卷之一百二十六

皇明進士雲間王圻纂輯

王禮考 君臣章服

遼

遼初時轉居薦章之間去遼古之風猶未遠也太祖仲父

述瀾以遥輦氏于越之官占居潢河沃壤始置城邑為

樹藝桑麻組織之教太祖帝北方太宗制中國紫銀之

鼠羅綺之筐穡載而至織麗奩毳被土綢木於是定衣

冠之制北從國南從漢各國其便五馬遼儀衛志

皇市交母儀皇市之周
照表免

禮記卷之六十五 祭服 禮記卷之六十五 祭服

祭服

遼以祭山為大禮服飾尤重大祀皇帝服金文

金冠白綾袍紅帶懸魚三山紅垂飾犀玉刀錯絡縫烏

靴小祀皇帝硬帽紅冠克絲龜文袍皇后戴紅帕服絡

縫紅袍懸玉珮雙同心帕絡縫烏靴 臣僚命婦服飾

各從本部旗幟之色

朝服

皇帝服實里薛袞冠絡縫紅袍垂飾犀玉帶錯

絡縫靴謂之國服袞冕太祖即位朝服表甲以備非常

其後行瑟瑟禮大射柳即此服太宗更以錦袍金帶

臣僚戴毳冠金花為飾或加珠玉翠毛額後垂金花織

成夾帶中貯髮一總或紗帽制如烏紗帽無簷不撮雙

耳額前綴金花上結紫帶末綴珠服紫窄袍繫鞞鞞帶

以黃紅色條裋革為之用金玉水晶靛石綴飾為之盤

紫太宗更以錦袍金帶會同元年羣臣高年有爵秩者

皆賜之聖宗統和元年冊承天皇后給三品以上用

漢法服三品以下用大射柳之服

公服

皇帝紫皂幅巾紫窄袍玉束帶或衣紅襖謂之

展裋著紫臣僚亦幅巾紫衣興宗重熙二十二年詔八

房族中憤道宗清寧元年詔非勳戚之後及夷離董副

鞞鞞帶或
上他場切
此場切

聖里薛袞
朝服之冠
禮記卷之六十五

使并承應有職事人不帶巾

常服 宰相中謝儀帝常服高麗使入見儀臣僚更衣

謂之盤裹綠花窄袍綠中單多紅綠色貴者披貂裘以

紫色黑色為貴青次之又有銀鼠尤絮白賤者貂毛羊

鼠沙狐裘

田獵服 皇帝幅巾環甲戎裝以貂鼠或鵝頂鴨頭為

扞腰番漢諸司使衣皆左衽黑綠色

唐以上皆唐人本國服也自大同元年正月朔遼太宗入

晉備法駕受文武百官賀于汴京崇先殿自是以為常

所記所錄... 遼太宗... 唐晉... 扞腰... 貂鼠... 鵝頂鴨頭... 貂毛羊... 鼠沙狐裘... 田獵服... 皇帝幅巾... 環甲戎裝... 扞腰番漢... 諸司使衣... 皆左衽... 黑綠色... 唐以上... 皆唐人... 本國服也... 自大同... 元年正月... 朔遼太宗... 入晉備法... 駕受文武... 百官賀于... 汴京崇先... 殿自是以... 為常

而北歸後唐晉文物遼皆用之蓋所謂用夏變夷其庶

幾焉此中官所以備書于冊也今以所用漢服敘于後

祭服 衣冕祭禮宗廟遣上將出征飲至加元服納后

衣冕 衣冕祭朝則用之金飾垂白珠十二旒以組為纓色如

其綬黹纁充耳玉簪導立衣纁裳十二章八章在衣日

月星龍華虫火山宗彝四章在裳藻粉米黼黻衣纁領

為昇龍織成文各為六等龍山以下每章一行十二白

紗中單黼領青標襪裙黻革帶大帶劍佩綬烏加金飾

平日朝會儀皇帝服衣冕若元日受朝則服之

綉銀工... 紅鳳... 花... 與... 一對... 洋

五代史唐在官前
明宮造代車官
北地生者于架
身見附錄日恒而
附錄錄祀大帶
毛後又于恒克
送高高祀于路
亦脫白龍素以
衣高祀及恒克
以龍鳳縠祀賜坊
延壽侯名以恒高
軍六以縠祀賜社

重威合回元年
正月丁亥朔入汴高
拜持相服視朝于殿
以殿乙未被中國
冠服二月丁丑朝
冠通天冠服何
袍披大冠視朝
三月丁丑朝服靴
袍內吉布見殿內
不冠恒克將視朝者
司儀恒素並送王
延壽故恒克杖
張旛三三三三
占確比不肖保而延
壽則力王女冠以月
吳確曰君在上國時

朝服 乾亨五年聖宗冊承天皇后給三品以上法服

侍中就席解劍脫履重熙五年尊號冊禮皇帝服龍袞

北南臣僚並朝服蓋遼制會同中太后北面臣僚國服

皇帝南面臣僚漢服乾亨以後大禮雖北面三品以上

亦用漢服重熙以後大禮並漢服常朝仍遵會同之制

皇帝通天冠諸祭還及冬至朔日受朝臨軒拜王公元

會冬會服之冠加金博山附蟬十二首施朱翠黑介幘

髮纓翠綫玉若犀簪導絳紗袍白紗中單襖領朱襪裙

白裙襦絳蔽膝白假帶方心曲領帶革佩劍綬鞞烏

靴起加靴服則雙童髻空頂黑介幘雙玉導加寶飾

元日上壽儀皇帝服通天冠絳袍皇太子遠遊冠謁

廟還宮元日冬至朔日入朝服之三梁冠加金附蟬九

首施珠翠黑介幘髮纓翠綫犀簪導絳紗袍白紗中單

皂領襖襪裙白裙襦白假帶方心曲領絳紗蔽膝其革

帶劍佩綬襪烏與上同後改用白襪黑烏未冠則雙童

髻空頂黑介幘雙玉導加寶飾冊皇太子儀皇太子

冠遠遊服絳紗袍親王遠遊冠陪祭朝享拜表大事

則服之冠三梁加金附蟬黑介幘青綫導絳紗單衣白

高道海通孝母
北朝道廣二叔勉
其一享如韓延徽
其二如一房新勉
三合世可降服如
卒究如悼以朝

紗中單皂領襪裙白裙襦革帶鈎髀假帶曲領方心絳
紗蔽膝襪烏佩劍綬二品以上同 諸王遠遊冠三梁
黑介幘青綬 三品以上進賢冠三梁寶飾 五品以
上進賢冠二梁金飾 九品以上進賢冠一梁無飾
七品以上去劍佩綬 八品以下同公服

按遼自皇帝至九品朝服之別如此然二品以上而同

于皇太子豈所以重主器哉同于親王也 于皇太子也 於誤

心服 皇帝翼善冠朔視朝用之赭黃袍九環帶白練
裙六合鞋 皇太子遠遊冠五日常朝元日冬至受朝

服絳紗單衣白裙襦革帶金鈎髀假帶方心粉鞞囊白
襪烏皮鞋一品以下五品以上冠幘纓簪導 絳紗單衣
白裙襦革帶金鈎髀假帶方心粉鞞囊白襪烏皮鞋

常服 遼謂之穿執起居禮臣僚穿執言穿靴執笏也

皇帝赭黃袍衫折上頭巾九環帶六合靴非元日冬至
受朝及大祭祀皆用常服 皇太子進德冠九琪金飾
絳紗單衣白裙襦白襪烏皮鞋 五品以上幘頭亦曰

折上中紫袍牙笏金玉帶文官佩手中笏袋刀子礪石
金魚袋武官鞞髀七事佩刀刀子礪石契苾真噦厥計

大皇帝向元家前在
身及高年凡按在
青袂此皆賜錦袍全
第口馬屋飾細勒著
于片記

皇宮至也三十三年五月
程八左房程中懷

天眷二年四月甲戌方官
相考初用朝服六月乙
酉相考初用朝服
皇統元年正月庚戌上
子孫初即衣冕

續文獻通考

筒大石袋烏皮六合靴 六品以下幘頭緋衣木笏銀
帶銀魚袋佩鞞同 八品九品幘頭綠袍鍮石帶鞞同
聖宗開泰七年十一月禁服用明金鏤金貼金 太平五

年二月禁天下服用金及金線纒團明衣在左

道宗清寧元年詔夷離董及副使之族并民庶不得服駝

有從降後漢者其後漢官非漢官者皆不得服漢官服又

尼水獺裘刀柄兔鶻鞍勒佩子不許用犀玉骨突犀惟

大將軍不禁四年十一月十年十一月定吏民衣服之制 咸雍

四年十一月也駝尼水獺裘之禁 太康四年四月禁

士庶服用錦綺日月山龍之文

金

熙宗天眷二年有司以車駕將幸燕京合用通天冠絳紗

袍等據見關名件依式成造禮服袍裳方巾曲領中單

蔽膝革帶大帶玉具劍綬佩烏襪乘輿服大綬六綵黑

黃赤白縹綠小綬三色同大綬間施三玉環大綬五百

首小綬半之白玉雙佩革帶玉鈎釵志

冕制 天板長一尺六寸廣八寸前高八寸五分後高

九寸五分身圍一尺八寸三分并納言並用青羅為表

紅羅為裏周圍用金稜天板下有四柱四面玕珠網結

續文獻通考

子花素墜子前後珠旒共二十四旒各長一尺二寸青
 碧線織成李天河帶一長一尺二寸濶二寸兩頭各有玕
 珠金碧旒三節玉滴子節花紅線組帶二上有真珠金
 翠旒玉滴子節花下有金鐸子二枚紅線款慢帶一鞋
 續二真珠垂繫上用金萼子二簪窠款慢組帶鈿窠四
 並玉鏤塵碾造玉簪一頂方二寸導長一尺二寸簪頂
 刻鏤塵雲龍志

衣一用青羅夾製五采間金繪畫正面日一月一昇龍
 四山十二上下襟華蟲火各六對虎雉各六對背面星

一昇龍四山十二華蟲火各十二對虎雉各六對中單
 一白羅單製羅領標襖裳一帶標襖紅羅八幅夾製繡
 藻三十二粉十六米十六黼三十二黻三十二蔽膝一
 帶標襖並紅羅夾製繡昇龍二綬一幅大綬以赤黃黑
 白綠標六綠綵織紅羅托裏小綬三色同大綬銷金黃
 羅綬頭上施間三玉環皆刻雲龍大綬五百首小綬半
 之緋白大帶一銷金黃羅帶頭鈿窠二十四紅羅勒帛
 一青羅抹帶一玉珮二白玉上中下璜各一半月各二
 皆刻雲龍玉滴子各二皆以真珠穿製金篋鈎獸面水

各兩道
鈿窠

葉環釘涼帶一紅羅裏鏤金上有玉鸞七銚尾束各一
金攀龍口以玳瑁板襯釘脚烏重底紅羅面白綾托裏
如意頭銷金黃羅緣口玉鼻仁飾以珠鞞用緋羅加錦
凡大祭祀加尊號受冊寶則服袞冕行幸齋戒出宮或
御正殿則通天冠絳紗袍

視視朝之服

初太宗即位始服赭黃自後視百官朝御

袍帶章宗即位以世宗之喪有司請御純吉不從乃服

淡黃袍烏犀帶常朝則服小帽紅欄偏帶或束帶

皇皇太子冠服

涓廟末冕冕用白珠九旒紅絲組為纓青纁充耳

犀簪導袞青衣朱裳五章在衣山龍華蟲火宗彝四章
在裳藻粉米黼黻白紗中單青縹襪裙革帶金銀鈎釧
蔽膝隨衣色為火山二章瑜玉雙佩四采織成大綬間
施玉環三白襪朱烏烏加金塗銀釵謁廟則服之

遠遊冠十八梁金塗銀花飾博山附蟬紅絲組為纓

犀簪導朱明服紅裳白紗中單方心曲領絳紗蔽膝白

襪黑烏餘同袞冕冊寶則服之

曠飾于得中而名亦不可不正天子之冠古稱曰冕而

西後世有平天通天之名義亦允當乃若太子之冠稱

曰遠遊何義哉夫太子雖有撫軍監國之任而當其齒
牙子胃子之時惟習乎禮樂詩書之教謹乎問安視膳之
節使德成于恭敬温文而無忝于元良之望斯可矣遊
且不宜况于遠遊乎此名盖起于魏晉之間而後世承
襲不以為過殆非可同于鮪魚邪蒿之禁者也

臣百下朝服

天眷二年三月命百官詳定儀制四月命

百官朝參用朝服凡導駕及行大禮文武百官皆服之
正一品貂蟬籠巾七梁額花冠貂鼠立筆銀立筆犀簪
導佩劍緋羅大袖緋羅蔽膝各一緋白羅大帶天下樂

暈錦玉環綬一白羅方心曲領白紗中單銀褐勒帛各

一玉珠珮二金塗銀革帶烏皮履白綾幘正二品七梁

冠銀立筆犀簪導不佩劍緋羅大袖雜花暈錦玉環綬

餘並同正四品五梁冠銀立筆犀簪白獅錦銀環綬珠

珮銀革帶御史中丞則獬豸冠青荷蓮綬餘並同正五

品四梁冠簇四金雕錦銅環綬銀珠佩餘並同正六品

至七品三梁冠黃獅錦銅環綬銀珠佩銅束帶餘並同

大定二十二年裕享攝官導駕二品冠七梁三品四品

冠六梁服有金花五品冠五梁六品冠四梁七品冠三

梁監察御史獬豸冠青綬八品九品冠二梁餘製並同

祭服

皇統七年

太常寺言太廟成後奉安神主祫享

行禮凡行事執事助祭陪位高准古典當服衮冕九章畫

降龍隨品各有等差通典云虞夏殷並十二章日月星

辰山龍華虫作繪于衣宗彝藻火粉米黼黻飾繡于裳

周升三辰于旂登龍于山登火于宗彝作九章之服山

龍華虫以宗彝繪于衣藻粉米黼黻繡于裳公之服自

衮冕而下如王之服侯伯之服自鷩冕而下如公之服

又後魏帝服衮冕與祭者皆朝服又開元禮一品服九

章又五禮新儀正一品服九旒冕犀簪青衣畫降龍今

汴京舊禮直官言自宣和二年以後一品祭服七旒冕

大袖無龍唐雖服九章服當時司禮少常伯孫茂道言

諸臣之章雖殊然飾龍名衮尊卑相亂請三公服鷩冕

八章為宜臣等竊謂歷代衣服之制不同若從後魏則

止服朝服或用宋服則為七章若遵唐九章則有飾龍

名衮尊卑相亂之議尚書省乃奏用後魏故事止用燕

京大冊禮時所服朝服以祭大定三年八月詔遵皇統

制攝官則朝服散官則公服以皇太子為亞獻服衮冕

三言
舊無

十四年用唐制若祭遇雨雪則服常服謂今之公服也
秦和元年八月禮官言祭服所以接神朝服所以事君
雖歷代損益不同然未嘗不有分別是以袞冕十二旒
玄衣纁裳備十二章天子之祭服也通天冠絳紗袍紅
羅裳天子之視朝服也臣下之服則用青衣朱裳以祭
朱衣朱裳以朝國朝惟天子備冠冕通天冠三等之服
今羣臣但有朝服而祭服尚缺每有祀事但以朝服從
事實于典禮未當請依漢唐故事祭服冕旒畫章然君
臣冕服雖章數各殊而俱飾龍名袞唐孫茂道已有尊

卑相亂之論今三公法服有龍恐傷于僭國初禮官亦
嘗駁議乞參酌古今改置祭服其冠則如朝冠而但去
其貂蟬立筆其服用青衣朱裳白襪朱履非攝事者則
用朝服庶幾少有差別土曰朝祭之服固宜分也

公公服

大定官制文資五品以上官服紫三師三公親

王宰相一品官服大獨科花羅徑不過五寸執政官服
小獨科花羅徑不過三寸二品三品散搭花羅謂無枝
葉者徑不過寸半四品五品服小雜花羅謂花頭碎小
者徑不過一寸六品七品服緋芝蔴羅八品九品服綠

無紋羅。應武官皆服紫。凡散官職事皆從一高。上得兼下。下不得僭上。窄紫亦同。服色各依官制品格。其諸局分承應人。並服無紋素羅。十五年制曰。袍不加襴。非古也。遂命文資官公服皆加襴。

帶制。皇太子玉帶。佩玉雙魚袋。親王玉帶。佩玉魚。一品玉帶。佩金魚。二品笏頭毬文金帶。佩金魚。三品四品荔枝或御仁花金帶。並佩金魚。五品服紫者。紅鞋烏犀帶。佩金魚。服緋者。紅鞋烏犀帶。佩銀魚。服綠者。並皂鞋烏犀帶。武官一品二品佩帶同。三品四品金帶。五品六品

七品紅鞋烏犀帶。皆不佩魚。八品以下並皂鞋烏犀帶。司天太醫內侍教坊服。皆同文武官。惟不佩魚。應殿庭承應五品以下官。非入內不許金帶。又展紫入殿庭者。並許服紅鞋。不佩魚。又二品以上官。許兼服通犀帶。三品官若治事及見賓客。許兼服花犀帶。大定二年制。百官趨朝赴省。並須裹帶。五品以上官趨朝。則朝服。赴省則展皂。雨雪沾衣。則從便。凡朝。奉主寶。主符。展紫。御仙花。或太平花。金束帶。近侍給使。供御筆硯。直長符寶。吏紫襖子。塗金束帶。輪直則近侍給使。並常服。展紫閣門。

六尚遇朝參侍立則服本品服若宮中當直則服窄紫
 金帶學士院官修起居注補闕拾遺秘書郎朝參侍立
 則服本品服色帶當直則窄紫金帶東宮左右衛率僕
 正副僕正典儀贊儀內直郎丞當直亦許服之太子太
 師出入宮中則展紫至東宮則展皂三少則展紫
 未服通制
 金介帶服 四帶中盤領衣烏皮靴其束帶曰吐鵲中
 之制以皂羅若紗為之上結方頂折垂于後頂之下際
 兩角各綴方羅徑二寸許方羅之下各附帶長六七寸
 當橫額之上或為一縮綴積貴顯者于方頂循十字縫

飾以珠其中必貫以大者謂之頂珠帶旁各絡珠結綬
 長半帶垂之海陵賜大興國者是也其衣色多白三品
 以皂窄袖盤領縫腋下為襍積而不缺袴其胷臆肩袖
 或飾以金繡其從春水之服則多鵲捕鷺雜花卉之飾
 其從秋山之服則以熊鹿林為文其長中鼐取便于騎也
 吐鵲玉為上金次之犀象骨角又次之鍔周鞋小者間
 置于前大者施于後左右有雙銳尾納方束中其刻琢
 多如春水秋山之飾左佩牌右佩刀刀貴鑲柄尚雞舌
 木黃黑相半有黑雙距者為上或三事五事室飾寶以醬

辨樺釧口飾以鮫或屑金鍮和漆塗鮫隙而確平之醬
辨樺者謂樺皮斑文色殷紫如醬中豆辨也產其國故
尚之初女直人不得改為漢姓及學南人裝束違者杖
八十編為永制婦人服襜裙多以黑紫上編繡金花
周身六襜積上衣謂之團衫用紫黑或皂及紺直領左
衽逢掖兩旁復為雙襜積前拂地後曳地尺餘帶色用
紅黃前雙垂至下齊年老者以皂紗籠髻如巾狀散綴
玉鈿于上謂之玉道遥此乃遼服也金亦襲之許嫁之
女則服綽子製如婦人服以紅或銀褐明金為之對襟

彩領前齊拂地後曳五寸餘

書袋制 大定十六年世宗以吏員之服與士民無別

潛入民間受賂獄獄有司不能檢察遂定懸書袋之制
省樞密院令譯史用紫紵絲為之臺六部宗正統軍司
檢察司以黑斜皮為之寺監隨朝諸局并州縣並黃皮
為之各長七寸濶二寸厚半寸并于束帶上懸帶公退
則懸于便服違者所司糾之

世宗大定七年六月命地衣龍文者罷之 七月禁服用

金線其織賣者皆抵罪 十二年五月禁百官及承應

人不得服純黃油衣化十三年十一月子吏部尚書梁肅

請禁奴婢服羅綺上曰齊近已禁服明金其行之以漸可也

且教化之行當自貴近始朕宮中服御常自節約舊服

明金者已減太半矣近民間風俗比正隆時聞稍淳儉

卿等當更務儉素使民知所效也化時太常寺擬士

人及僧尼道女冠有師號并閒官八品以上許服花紗

綾羅絲紬在官承應有出身人帶八品以下官未帶官

亦同許服花紗綾羅紵絲絲紬家屬同婦人許用珠為

首飾其都孔目與八品閒官同京府州縣司吏皆與庶

人同庶人止許服絲紬絹布毛褐花紗無文素羅絲綿

其頭巾繫腰領帕許用芝麻羅絛用絨織成者不得以

金玉犀象諸寶瑪瑙玻璃之類為器皿及裝飾刀把鞘

并銀裝釘床榻之類婦人首飾不許用珠翠鈿子等物

翠毛除許裝飾花環冠子餘外並禁兵卒許服無紋壓

純羅紬絹布毛褐奴婢止許服純紬絹布毛褐娼優遇

迎接公筵承應許暫服繪畫之服其私服與庶人同

十五年九月詔親王百官兼人所服紅紫改為黑紫

二十年四月化制宗室及外戚并一品命婦衣服聽用明

六年
百禁
尚
生
在
作

金 二十五年五月命尚書省奏事衣窄紫

章宗明昌時上謂宰臣曰今風俗侈靡莫若律以制度使
 貴賤有等其令禮部具典故以聞他日又謂參知政事
 張萬公曰山東風俗如何萬公對以奢左丞守貞因言
 衣服之制上曰如卿所言正恐失人心耳守貞曰止是
 商賈有不悅者萬公曰乞寬與之期三年之內當如制
 于是上以禮部所擬太繁命尚書省再擬行之 明昌六年
 七月制文武官六貫石以上承應人并及廕者許用牙
 領紫圓板皂條羅帶皂靴上得兼下係籍書生止服白

衫領繫背帶並以紫圓條羅帶皂靴餘人用純紫領不
 得用綠雜色圓板條羅帶不得用紫靴用黃及黑油皂
 蠟等婦人各從便泰和四年以親王品官既分領綠而
 復有皂靴之禁似涉太煩遂聽親王用銀褐領紫綠品
 官皆紫領白綠餘同明昌制

元 世祖 二十五年五月己巳賜被也里干諸伯及女直不詳 一七月己巳賜被也里干諸伯及女直不詳
元二十八年九月乙未命尚書省奏事衣窄紫
元二十九年八月己未命尚書省奏事衣窄紫
元三十年七月己未命尚書省奏事衣窄紫

元初車圍康事草創冠服革從舊俗世祖混一天下近取

金宋遠法漢唐上而天子冕服皇太子之冠服天子之
 質孫下而有百官祭服朝服與百官之質孫以及於士

英宗延祐二年三月
 庚寅命將作院
 更製冕旒

文宗天歷元年十月
 賜諸將大臣玉璽龍
 衣珠衣寶珠玉帶

元祐元年正月十五日...
三年二月己酉賜...
三年二月己酉賜...
三年二月己酉賜...

延祐七年...
石甲...
...
...

元祐元年...
三年...
三年...
三年...

庶人之服色秩然有序矣

世祖至元三年初製太常禮樂工冠服 六年製太常寺

祭服 十月定朝儀服色 七年禁繪段織日月龍虎

及以龍犀飾馬鞍 或宗大德十年八月... 移其乳製法服三錄

仁宗延祐元年十月詔定官員士庶衣服車輿制度 職官除

龍鳳文外一品二品渾金花三品服金荅子四品五品

服雲袖帶襪六品七品服六花八品九品服四花職事

散官從一高 繫腰五品以下許用銀并減鐵提控案

牘府州都吏目典吏等檀褐羅窄衫烏犀束帶 諸職

官致仕與見任同降鮮內者依應得品級不叙者與庶人

同 父祖有官既歿年深非犯除名不敘之限其命婦

及子孫與見任同 內外有出考滿應入流見役人負

服用與九品同授各投下令旨鈞旨有印信見任勾當

人負亦與九品同 蒙古及見當怯薛人等不在禁限

惟不許服龍鳳文 龍謂五爪 二角者

凡服色等第上得兼下下不得僭上違者職官鮮見任

期年後降一等叙餘人決五十七下違禁之物付告捉

人充賞有司究治不嚴從監察御史廉訪司究治御賜

之物不在禁限

英宗至治元年七月禁服色踰制

天子冕服 制以漆紗上覆白紵青衣朱裏紵之四周

匝以雲龍冠之口圍縈以珍珠紵之前後旒各十二以

珍珠為之紵之左右繫黹纁二繫以玄紵承以玉瑱纁

色黃絡以珠冠之周圍珠雲龍網結通翠柳調珠紵上

橫天河帶一左右至地球鈿窠網結翠柳珠絲組二屬

諸筭為纓絡以翠柳調珠簪以玉為之橫貫于冠

袞龍服 制以青羅節以生色銷金帝星一日一月一

順帝元、年六月
癸酉禁服色不
僭上

二年三月己巳

朝御服珠衣七寶

項牌賜白銀胃

丁亥禁服麒麟

雙角五爪龍、龍九龍

另有壽福壽字結黃

等服六月丁丑禁諸

王駙馬從衛服品

未繫條環

三年七月壬戌賜宗

王乘哥、刺七寶

繫腰

五年十月壬辰禁

倡優盛服許男

子裏着巾婦女

郭忠恕衣不許武裝

乘馬

之物不在禁限

英宗至治元年七月禁服色踰制

天子冕服 制以漆紗上覆白紵青衣朱裏紵之四周

匝以雲龍冠之口圍縈以珍珠紵之前後旒各十二以

珍珠為之紵之左右繫黹纁二繫以玄紵承以玉瑱纁

色黃絡以珠冠之周圍珠雲龍網結通翠柳調珠紵上

橫天河帶一左右至地球鈿窠網結翠柳珠絲組二屬

諸筭為纓絡以翠柳調珠簪以玉為之橫貫于冠

袞龍服 制以青羅節以生色銷金帝星一日一月一

昇龍四複身龍四山四十八火四十八華蟲四十八虎

雉四十八

裳 制以緋羅其狀如裾飭以文繡凡十六行每行藻

二粉米二黼二黻二

中單 制以白紗絳緣黃勒帛副之

蔽膝 制以緋羅有標緋絹為裏其形如襜袍上着之

繡複身龍

玉佩 珩一琚一瑀一衝牙一璜二衝牙以繫璜珩下

有銀獸面塗以黃金雙璜夾之次又有衝下有衝牙傍

至正十一年十月賜賞
王神官金帶一十二
月賜賞金帶一十二

賜一

至正十一年四月賜頭陽
元王帶以厚福

續文獻通考

別施雙的以鳴用玉

大帶 制以緋白二色羅合縫為之

玉環綬 制以納石失金錦上有小玉環下有青絲織

網

紅羅鞞 制以紅羅為之高鞞

履 制以納石失有雙耳二帶鈎飾以珠鞞制以紅綾

右按大常集禮至元十二年十一月博士議擬冕天版

長一尺六寸廣八寸前高八寸五分後高九寸五分身

圍一尺八寸三分并納言青羅為表紅羅為裏周圍緣

以黃金天版下四面珠網結子花素墜子前後共二十

有四旒以珍珠為之青碧線織天河帶二頭各有珍珠

金翠旒三節玉滴子節花全紅線組帶二上有珍珠金

翠旒玉滴子下有金鐸二梅紅繡款幔帶一鞋續二珍

珠垂繫上用金萼子二簪窠款幔組帶鈿窠各二內組

帶窠四並鏤玉為之玉簪一頂面鏤雲龍袞衣用青羅

夾制五采間金繪日月星辰山龍華蟲宗彝正面日一

月一升龍四山十二上下襟華蟲火各六對虎雉各六對

背星一升龍四山十二華蟲火十二對虎雉各六對中

續文獻通考

單用白羅單製羅領標襖裳一帶標襖全紅羅八幅夾
造上繡藻粉米黼黻藻三十二粉米十六黼三十二黻
三十二蔽膝一帶縹紅羅夾追八幅上繡升龍二綬一
幅六采織造紅羅托裏小綬三色同大綬銷金黃羅綬
頭全上間施三玉環並碾雲龍緋白大帶一銷金黃帶
帶頭鈿窠二十有四紅羅勒帛一青羅抹帶一佩二玉
上中下璜各一半月各二並碾玉為雲龍文玉滴子各
二並珍珠穿造金篋鈎獸面水葉環釘全涼帶一紅羅
裏鏤金為之上為玉鸞七捷尾束各一金攀龍口玳瑁

襯釘烏一重底紅羅面白綾托裏如意頭銷金黃羅綠
口玉鼻組飾以珍珠金緋羅錦襪一鞞 大德十一年

九月博士議唐制天子衮冕垂白珠十有二旒以組為
纓色如其綬黹纁充耳玉簪導玄衣纁裳凡十二章八
章在衣日月星辰山龍華蟲火宗彝四章在裳藻粉米
黼黻標領為升龍皆織成之龍章以下每章一行每行
十二白紗中單黼領青襪標裙黻加龍山火三章毳冕
以上火山二章繡冕山一章玄冕無章革帶大帶玉佩
綬襪與上同烏加金飾享廟謁廟及朝遣上將征還飲

至踐祚加元服納后元日受朝及臨軒冊拜王公則服之又宋制天子服冕廣尺二寸長四寸前後十有二旒二纒並貫珍珠又有珠旒十二碧鳳啣之在纒外冕板以龍鱗錦表上綴玉為七星傍施琥珀餅犀各二十四周綴金絲網鈿以珍珠雜寶玉加紫雲白鶴錦裏四柱飾以七寶紅綾裏金飾玉簪導紅絲條組帶亦謂之平天冠衣服青色日月星山龍雉虎雖七章紅裙藻火粉米黼黻五章紅蔽膝升龍二並織成間以雲彩飾以金釵花鈿窠裝以珍珠琥珀雜寶玉紅羅襦裙繡五章青

標襪裾六采綬一小綬三結三玉環三素大帶朱裏青羅四紳帶二繡四紳盤結白帶中單青羅袷帶紅羅勒帛鹿盧玉具劔玉縹首縷白玉雙佩金飾貫珍珠金龍鳳革帶紅襪赤舄金釵花四紳玉鼻祭天地宗廟受冊尊號元日受朝冊皇太子則服之事未果行至英宗朝命有司製如其式

皇太子冠服 衮冕 玄衣 纁裳 中單 蔽膝

玉佩 大綬 朱鞮 赤舄

按太常集禮至元十二年博士擬衮冕制用白珠九旒

紅絲組為纓青纁充耳犀簪導青衣朱裳九章五章在
衣山龍華蟲火宗彝四章在裳藻粉米黼黻白紗中單
青標襪裾革帶塗金銀鈎髀蔽膝隨裳色火山二章瑜
玉雙佩四采織成大綬間施玉環三白鞵朱烏加金塗
銀釧 大德十一年九月詔擬前代服制 唐制皇太
子衮冕垂白珠九旒紅絲組為纓青纁充耳犀簪導玄
衣纁裳九章五章在衣龍山華蟲火宗彝四章在裳藻
粉米黼黻織成之每行一章黼黻重以為等每行九白
紗中單黼領青標襪裾革帶金鈎髀大帶蔽膝隨裳色

火山二章玉具劍金寶飾玉纁首瑜玉雙佩朱組帶大
綬四采赤白縹紺純朱質長丈八尺首廣九寸小雙綬
長二尺六寸色同大綬而首半之間施玉環三朱鞵赤
烏加金飾侍從祭祀及謁廟加元服納妃服之 宋制
皇太子衮冕垂白珠九旒紅絲組為纓青纁充耳犀簪
導青衣朱裳九章五章在衣山龍華蟲火宗彝四章在
裳藻粉米黼黻白紗中單青標襪裾革帶塗金銀鈎髀
蔽膝隨裳衣火山二章瑜玉雙佩四采織成大綬間施
玉環三白鞵朱烏加塗金銀飾加元服從祀受冊謁廟

朝會服之已擬其制未果造

質孫 漢言一色服也內庭大宴則服之冬夏之服不

同然無定制凡勳戚大臣近侍賜則服之下至樂工衛

士習有其服精粗之制上下之別雖不同總謂之質孫

天子質孫 冬之服凡十有一等服納石失怯綿里剪

也則冠金錦暖帽服大紅桃紅紫緣寶里寶里服之則有襪者也

冠七寶重頂冠服紅黃粉皮則冠紅金荅子暖帽服白

粉皮則冠白金荅子暖帽服銀鼠皮則冠銀鼠暖帽其

上並加銀鼠比肩夏之服凡十有五等服荅納都納石

失則冠寶頂金鳳鈸笠服速不都納石失則冠珠子捲

雲冠服納石失則帽亦如之服大紅珠寶里紅毛子荅

納則冠珠緣邊鈸笠服白毛子金絲寶里則冠白藤寶

貝帽服駝褐毛子則帽亦如之服大紅綠藍銀褐棗褐

金繡龍五色羅則冠金鳳頂笠笠各隨其服之色服金

龍青羅則冠金鳳頂漆紗冠服珠子褐七寶珠龍荅子

則冠黃牙忽寶貝珠子帶後簷帽服青速天金絲闌子

則冠七寶添紗帶後簷帽速夫回回毛布之精者也

百官質孫 冬之服凡九等大納石失一大紅怯綿里

一大紅官素一桃紅藍綠官素各一紫黃鴉青各一夏之服凡十有四等素納石夾一聚線寶里納石夾一棗褐渾金間絲蛤珠一大紅官素帶寶里一大紅明珠各子一桃紅藍綠銀褐各一高麗鴉青雲袖羅一駝褐苗紅白毛子各一鴉青官素帶寶里一

百官公服之制 制以羅大袖盤領俱右袵一品紫大獨科花徑五寸二品小獨科花徑一寸三品散荅花徑二寸無枝葉四品五品小雜花徑一寸五分六品七品緋羅小雜花徑一寸八品九品綠羅無文 幘頭漆紗

為之展其角 笏制以牙上員下方或以銀杏木為之偏帶正從一品以玉或花或素二品以花犀三品四品以黃金為荔枝五品以下烏犀並八勝 鞞用朱草鞞以皂皮為之

祭服 初憲宗十五年秋八月祭于日月山用冕服自此始成宗大德六年春正月祭于麗正門外兩地命獻官以下諸執事各具公服行禮是時大都未有郊壇大禮用公服自此始九年冬至祭享用冠服依宗廟見用者製其後節次祭祀或合祀天地增配位從祀獻攝

職事續置冠服于法物庫收掌法物二百九十有九公服二百八十窄紫二百九十有五至大間太常博士李之紹王天祐疏陳親祀冕無旒服大裘而加衮裘以黑羊皮為之臣下從祀冠服歷代所尚其製不同集議得依宗廟見用冠服制度

三獻官及司徒大禮使祭服 籠中貂蟬冠五青羅服

五領袖襪俱紅羅裙五皂綾為襪紅羅蔽膝五羅花樣白紗俱牡丹

中單五黃綾帶紅組金綬紳五各佩玉環三象笏五銀束帶五

玉佩五白羅方心曲領五赤草履五對白綾鞞五對

助奠以下諸執事官冠服貂蟬冠獬豸冠七梁冠六梁

冠五梁冠四梁冠三梁冠二梁冠二百青羅服二百

領袖襪俱紅綾裙二百皂綾為襪紅綾蔽膝二百紫羅公服

二百花用羅白紗中單二百黃綾帶織金綬紳二百銅束帶

二百紅各佩銅環十八青白羅方心曲領二百銅佩二百

展角幘頭二百塗金荔枝帶三十烏角帶一百七十皂

鞞二百對赤草履二百對白綾鞞二百對象笏三十銀

杏木笏一百七十

凡獻官諸執事行禮俱依法服惟監祭御史二冠獬豸

服青綬凡迎香讀祝及祀日遇陰雨俱衣紫羅公服六品以下皆得借紫

都監庫祠祭局儀鸞局神厨局頭目長行人等冠服交角幘頭五十窄袖紫羅服五十塗金束帶五十皂鞞五十

社稷祭服 青羅袍一百二十三白紗中單一百二十三紅梅花羅裙一百二十三藍織錦銅環綬紳二紅織錦銅環綬紳一百一十七紅織錦玉環綬紳四紅梅花羅蔽膝一百二十三草屨一百二十三白綾鞞一百二

十三白羅方心曲領一百二十三黃綾帶一百二十三佩一百二十三銅珩璜者一百一十九玉珩璜者四藍素紵絲帶一百二十三銀帶四銅帶一百一十九冠一百二十三水簪^角金梁冠一百七紗冠一十獬豸冠二籠巾紗冠四木笏一百二十三紫羅公服一百三十三黑漆幘頭一百二十三展角金二色羅挿領一百二十三鍍金銅荔枝帶一十角帶一百一十三象笏一十三枝木笏一百一十枝黃絹單包複一百二十三紫紵絲抹口青氈襪一百二十三皂鞞一百二十三窄紫羅衫

三十黑漆幘頭三十銅束帶三十黃絹單包履三十皂
鞞三十紫紵絲抹口青氈襪三十

宣聖廟祭服獻官法服七梁冠三鑿鴉青袍三絨錦綬

紳三環二銅方心曲領三藍結帶三銅佩三紅羅裙三白

絹中單三紅羅蔽漆三草履三白絹全執事儒服軟巾唐

中白襴插領黃鞞角帶皂鞞各九十有八 曲阜祭服

連蟬冠四十有三七梁冠三五梁冠三十有六三梁冠

四皂紵絲鞋三十有六鞞舒角幘頭二軟角唐巾四十

角簪四十有三冠纓四十有三副象牙笏七木笏三十

有八玉珮七凡十有銅珮三十有六凡七十帶八十有

五藍鞞帶七紅鞞帶三十有六烏角帶二黃鞞帶烏角

偏帶四十大紅金綬結帶七士用玉環青羅大袖夾衣

七紫羅公服二褐羅大袖衣三十有六白羅衫四十白

絹中單三十有六白紗中單七大紅羅夾蔽膝七大紅

夾裳緋紅羅夾蔽膝三十有六緋紅夾裳四黃羅夾裳

三十有六黃羅大帶七白羅方心曲領七紅羅綬帶七

黃絹大帶三十有六皂鞞白羊毳襪各四十有二對大

紅羅鞋七鞞白絹夾襪四十有三鞞

儀衛服色 交角幘頭其制巾後交折其角 鳳翅幘頭制如唐巾兩角上曲而作雲頭兩旁覆以兩金鳳翅 學士帽如唐巾兩角如匙頭下垂 唐巾制如幘頭而稍其角兩角上作雲頭 控鶴幘頭制如交角金鏤其額 花花幘頭制如控鶴幘頭兩角及額上簇象生雜花 錦帽制以漆紗後幅兩旁前拱而高中下後畫連錢錦額作聚文 平巾幘黑漆草為之形如進賢冠之籠巾或以青或以白 武弁制以皮加漆 甲騎冠制以皮加黑漆雌黃為緣 抹額制以緋羅繡寶花

巾制以純五色畫寶相花 兜鍪制以皮金塗五色各隨其甲 襯甲制如雲扇青錦質緣以白錦裏以氈裏以白絹 雲肩制如四垂雲青綠黃羅五色嵌金為之 裊襠制如衫 襯袍制用緋錦武士所以裊裊襠之士卒袍制以絹純繪寶相花 窄袖袍制以羅或純 緋線襖制如窄袖衫腰作緋線 控鶴襖制以青緋二色錦圓荅寶相花 窄袖襖長行與士所服紺緞色 樂工襖制以緋錦明珠琵琶窄袖細摺 甲覆膊掩心扞背扞股制以皮或為虎文獅子文或施金鎧

鎖子文 臂鞬制以錦綠絹為裏有雙帶錦膝蛇束麻
 長一丈一尺裹以紅錦 束帶紅鞋雙獺尾黃金銅膝
 餘同腰帶而狹小 條環制以銅黃金塗之 汗膝制
 以青錦緣以銀褐錦或繡撲獸間以雲氣 行膝以絹
 為之 鞋制以麻 鞬鞋制以皮為履而長其鞬縛于
 行膝之內 雲頭鞬制以皮幫嵌雲朵頭作雲象鞬束
 于脛
 庶人服色 除不得服赭黃惟許服暗花紵絲紬綾羅
 毛毳帽笠不許飾用金玉鞬不得裁制花樣 諸色目

人除行營帳外餘並與庶人同 諸樂藝人等服與庶
 人同凡承應粧扮之物不拘其例 皂隸公使人惟許
 服紬絹 此係延祐元年禁例

官民帽簷或圓或前圓後方其髮或辮或打紗練惟庶民推
 髻服用渾金線為納石尖或腰線綉通神欄上下均
 服

草木子曰紗帽圓領唐服也仕者用之中笠欄衫宗服
 也中環襪領金服也鬘子繫腰元服也庶人用之
 后妃命婦以下首飾服章制度

卷與服去
左制皇太后衣紅帕
紅絙紅袍物玉佩
雙回帕絙紅物玉佩
正位帝后衣紅物玉佩
正位帝后衣紅物玉佩

宋理宗紹定三年出封椿庫緡錢二十萬製皇后禕衣
金皇后冠服 花珠冠用盛子一青羅表青絹襯金紅羅
托裡用九龍四鳳前面大龍銜穗球一朵前後有珠花
各十有二及鷄鴻孔雀雲鶴王母隊仙人浮動插瓣等
後有納言上有金蟬攀金兩博鬢以上並用鋪翠滴粉
鏤金裝珍珠結製下有金圈口上用七寶鈿窠後有金
鈿窠二穿紅羅鋪金款慢帶一
禕衣 深青羅織成翬翟之形素質十二等領標襖並
紅羅織成雲龍中單以素青紗製領織成黼形十二標

袖襖織成雲龍並織紅縠造裳八副深青羅織成翟文
六等標襖織成紅羅雲龍明金帶腰蔽膝深青羅織成
翟文三衣領緣緞色羅織成雲龍明金帶大綬一長五
尺闊一尺黃赤白黑縹綠六彩織成小綬三色同大綬
間七寶鈿窠施三玉環上破雲龍然金線織成大小綬
頭紅羅花襯大帶青羅朱履絀其外上以朱錦下以綠
錦紐約用青組然金線織成帶頭玉佩二朵上中下瑣
各一半月墜子各二五玉破鏤金打鈕獸面篋鈎佩子
各一水葉子真珠穿綴青衣草帶用鏤金青羅裹造上

用金打釵、水地龍、鸞眼、蛇尾、龍口、攀束子共八事。以玳瑁襯金釘脚抹帶二、紅羅青羅各一、並明金造。各長一夫五寸，為以青羅製白綾裡，如意頭，明金黃羅，準上用。玉鼻仁真珠裝，綴繫帶，襪青羅表裏，綴繫帶。

犀冠 減撥花樣，鏤金凌造，上有玉簪一，下玳瑁盤一。常服服用

采室及外戚 并一品命婦衣服，聽用明金。世宗二十二年，制期親雖別籍，女子出嫁，並同。又五品以上官母妻

許披霞帔，惟首飾霞帔領袖腰帶，許用明金籠金間金之類。其衣服止用明銀象金及金條壓繡。正班局分承

應帶官人，雖未出職係班，其祖母及母妻子孫之婦同籍兄弟之妻，及在室女孫姊妹並同。又禁私家用純黃帳幕。陳詩若曾經宣賜鸞輿服御，日月雲肩、龍文黃服。

五箇 鞘眼之鞍，皆須藏之。元改

元朝后妃及大臣之正室皆帶姑姑衣大袍，其次即帶皮帽。

姑姑高圓二尺許，用紅色羅，善唐步搖，造制也。

命婦衣服一品至三品服，渾金四品服，金答子六品以

下，惟服銷金并紗金紗答子。

首飾一品至三品許用金珠寶玉四品五品用金玉珍

珠六品以下用金惟耳環用珠玉用籍不限親疎期親雖別籍并出嫁同
庶人許用翠花并金以各一事惟耳環用金珠碧鈿餘
並用銀 娼家出入止服皂褙子亦不得乘坐車馬
皇明

葉子奇草木子
蟬冠朱衣薄制也
幘 頰大袍隋制也
幘 冠朱衣方曲領玉珮
朱履是革階而用澤
也
紗帽圓領唐服也仕
者用之巾笠襦衫宗
服也巾環襖領至服

也帽子繫腰元服也
方中國領以服也庶
民用之
朝服一品二品用犀玉
帶一六國花紫羅袍
三品五品用玉帶
紫羅袍六品七品用緋
袍八品九品用綠袍皆
以羅流外披者制別
用極褶其幘頰皂靴
自上至下皆同也
官民皆帶帽其差
或圓或方圓後方或
槎子或兜鑿之類
制也其裝或辨或行

天子祭 天地 宗廟及正旦冬至 聖節服衮冕 衮
冕十二章 冕版廣一尺二寸長二尺四寸冠上 覆
玄表朱袖前後各十二旒旒五采玉珠十二玉簪導朱
纓 圭長一尺二寸 玄衣纁裳衣六章織日月星辰
山龍華蟲裳六章織宗彝藻火粉米黼黻 中單以素

紗為之 紅羅蔽膝上廣一尺下廣二尺長三尺織火
龍山三章 草帶佩玉長二尺三寸 大帶素表朱裡
兩邊用綾上以朱錦下以綠錦 大綬六采用黃白赤
玄纁綠織成純玄質五百首 小綬三色同大綬間織
三玉環 朱襪赤舄 大明集禮載祭社稷先農 冊
拜皆服衮冕
朔望視朝降 詔降香進表四夷朝貢朝覲服皮并服
其皮并用烏紗冒之前後各十二縫每縫中綴五采
五十二以為飾玉簪導紅組纓其服絳紗衣蔽膝隨衣

紗練推庶民則推
紫衣服黃者用澤
金線為納失失或賜
線係通神襦絲上下
均可服等咸不甚解
也此似元制

徽者授官者用褐羅
授勅者用青羅

其人華歷之服帽則
至其頂襖則線其
腰靴則紫黃頂子

色白玉佩草帶玉

天子常服 烏紗折角向上中盤領窄袖袍束帶間用

全玉琥珀透犀

皇后受冊謁 廟朝會服禮服 冠為圓匡冒以翡翠

上飾以九龍四鳳大花十二樹小花如大花之數兩傳

賢十二鈿服褱衣深青為質畫翟赤質五色十二等素

紗中單黃領朱羅縠襖襖裾蔽膝隨裳色以緞為領緣

用翟為章三等大帶隨衣色朱裡紕其外上以朱錦下

以綠錦鈕約用青組玉草帶青襪青舄以金飾

皇后燕居服常服雙鳳翅龍冠首飾釧鐲金玉珠寶翡翠

翠隨用諸色團衫金繡龍鳳帶用金玉 洪武四年定

常服龍鳳珠翠冠真紅大袖衣霞帔紅羅長裙紅褶子

冠制如特髻上加龍鳳飾衣用織金龍鳳文加繡飾

皇妃冠服 冠飾以九鞞四鳳花釵九樹小花如大花

之數兩傳髻九鈿翟衣青質編次於衣及裳重為九等

青紗中單黼領朱縠襖襖裾蔽膝隨裳色加文繡重雉

為章二等以緞為領緣大帶隨衣色玉草帶青襪烏佩

綬凡受冊助祭朝會則服之

皇妃常服 鸞鳳冠首飾釧鐲用金玉珠寶翠諸色圓
衫金繡鸞鳳不用黃帶用金玉犀燕居則服之 洪武
四年定常服山松特髻假髻花鈿或花釵鳳冠真紅大
袖衣霞帔紅羅裙紅羅褶子衣用織金及繡鳳文 東
宮妃 王妃同 五年定內命婦三品以上用花釵翟
衣四品五品用山松特髻大衫為禮服貴人視三品以
后妃燕居冠及大衫霞帔為禮服珠翠慶雲冠鞠衣
褶子緣襖襖裙為常服

東宮冠服凡陪祀天地宗廟正旦冬至朝賀服袞冕

袞冕九章 冕九旒旒九玉金簪導紅組纓兩玉填
圭長九寸五分 玄衣纁裳衣五章織山龍華虫宗彝
火裳四章織藻粉米黼黻 白紗中單黼領 蔽膝隨
裳色織火山二章 革帶金鈎釧玉佩 綬五采用赤
白玄纁綠織成純赤質三百三十首小綬三色同大綬
間織三玉環 大帶白表朱裏上緣以綠 白襪赤舄
大明集禮載 皇太子從祭社稷及受 冊納妃皆
服前袞冕

皇太子朔望朝降 詔降香進表四夷朝貢朝覲服皮

弁服 皮弁用烏紗冒之前後各九縫每縫中綴五采
玉九金簪朱纓玉圭終紗袍紅裳素白中單蔽膝隨裳
色玉佩大帶大綬襪烏

皇太子常服 洪武元年定常服烏紗折上巾

東宮妃受冊助祭朝會服禮服 冠飾以九翬四鳳花
釵九樹小花如大花之數兩傅鬢九鈿翟衣青質繡翟
編次于不及裳重為九等青紗中單黼領朱縠襪襪裾
蔽膝隨裳色以緞為領緣加文繡重雉為章二等大帶
隨衣色青襪烏佩綬

東宮妃常服 犀冠刻以花鳳首飾釧鐲用金玉珠寶
翠諸色圍領衫金繡鸞鳳惟不用黃帶用金玉犀燕居
則服之

親王助祭謁 廟正旦冬至等朝賀服袞冕 袞冕九

章 冕五采玉珠九旒紅組纓青纁充耳金簪導 圭

長九寸二分五厘 青衣纁裳衣五章織山龍華蟲火

宗彝裳四章織藻粉米黼黻 白紗中單黼領青綠

蔽膝隨裳色織火山二章 革帶金鈎釶佩玉 綬五

采赤白玄纁綠織成純赤質三百二十首小綬三色同

大綬間織三玉環 大帶表裏白羅朱綠緣 白襪朱履 受冊納妃亦服袞冕

親王朔望朝降 詔降香進表四夷朝貢朝覲服皮弁服皮弁用烏紗冒之前後各九縫中綴五采玉九金簪朱纓玉圭絳紗袍紅裳素紗中單蔽膝隨裳色玉佩大帶大綬襪烏

親王妃及冊助祭朝會服禮服 公主同 冠飾以九翬四鳳花釵九樹小花如大花之數兩傅鬢九鈿翟衣青質五色九等繡翟編次于衣及裳素紗中單黼領朱

縠標襖裙蔽膝隨裳色以緜為領緣繡翟為章二等文帶隨衣色玉革帶青襪烏佩綬

親王妃公主常服 犀冠刻以花鳳首飾釧鐲用金玉珠寶寶翠諸色團領衫金繡花鳳惟不用黃帶用金玉犀燕居則服之

世子遇 聖節 千秋節正旦冬至進賀表箋及父王生日諸節慶賀皆服袞冕 袞冕七章 冕三采玉珠七旒紅組纓青纁充耳金簪導 圭長九寸 青衣纁裳衣三章織華蟲火宗彝裳四章織藻粉米黼黻 素

紗中單青領襪赤鞞 革帶佩白玉玄組綬 綬紫質
用紫黃赤三采織成間織三白玉環白襪赤烏

世子皮弁服 皮弁烏紗冒之前後各八縫每縫中綴
三采玉八金簪朱纓玉圭絳紗袍紅裳素紗中單蔽膝
隨裳色玉佩大帶大綬鞞烏

世子妃冠服 珠翠七翟冠大彩霞帔用大紅金繡雲
鳳文金鳥頭褙子鞠衣金繡雲鳳文大帶用青羅或用
紅玉縠圭王革帶玉綬花玉佩青羅襪青紵絲描金雲
鳳烏上加珠六顆

郡王冠服衮冕 衮冕五章 冕三采玉珠七旒紅組
纓青纒充耳金簪導 圭長九寸 青衣纒裳衣三章
織粉米藻宗彝裳二章織黼黻素紗中單青領襪赤裙
玉佩綬間織二玉環襪烏

郡王皮弁服 皮弁用烏紗冒之前後各七縫每縫中
綴五采玉七金簪朱纓玉圭紅裳素紗中單蔽膝隨裳
色玉佩大帶大綬襪烏

郡王妃冠服 郡主同 珠翠七翟冠大衫霞帔用大
紅金繡雲翟文金墜頭褙子鞠衣金繡雲翟文大帶用

青羅或用紅玉穀圭玉革帶玉綬花玉佩青羅襪青紵
絲描金雲翟鳥上加珠六顆

長子冠服 朝服 七梁冠大紅素羅衣白素紗中單

大紅素羅裳及蔽膝大紅素羅白素紗二色夾帶玉朝

帶丹礬紅花錦錦雞綬玉佩象牙笏白絹襪皂皮雲頭

履鞋

長子公服 皂皴紗幘頭大紅素紵絲衣玉革帶

長子常服 烏紗帽大紅紵絲織金獅子開襟圓領玉

束帶皂皮銅線靴

長子夫人冠服 珠翠五翟冠大紅紵絲大衫深青紵

絲金繡翟雞褙子青羅金繡翟雞霞帔金墜頭

鎮國將軍冠服與長子同 鎮國將軍夫人冠服與長

子夫人同 輔國將軍冠服與鎮國將軍同惟冠六梁

帶用犀 輔國將軍夫人冠服與鎮國將軍夫人同惟

冠用四翟抹銀^金銀墜頭 奉國將軍冠服與輔國將軍

同惟冠五梁帶用金釵花常服大紅織金虎豹 奉國

將軍淑人冠服與輔國將軍夫人同惟褙子霞帔金繡

孔雀文 鎮國中尉冠服與奉國將軍同惟冠四梁帶

用素金佩用藥玉 鎮國中尉茶人冠服與奉國將軍
淑人同 輔國中尉冠服與鎮國中尉同惟冠三梁帶
用銀釵花綬用盤雕公服用深青素羅常服紅織金熊
羆 輔國中尉宜人冠服與鎮國中尉茶人同惟冠用
三翟褙子霞帔金繡鴛鴦文銀墜頭 奉國中尉冠服
與輔國中尉同惟冠二梁帶用素銀綬用練鵲幘頭黑
漆常服紅織金彪 奉國中尉安人冠服與輔國中尉
宜人同惟大衫用丹礬紅褙子霞帔金繡練鵲文
縣主冠服珠翠五翟冠大紅紵絲大衫深青紵絲金繡

孔雀褙子青羅金繡孔雀霞帔抹金銀墜頭 郡君冠
服與縣主同惟冠用四翟褙子霞帔金繡鴛鴦文 縣
君冠服與郡君同惟冠用三翟 鄉君冠服與縣君同
惟大衫用丹碧紅褙子霞帔金繡練鵲

文武官員朝服 梁冠赤羅衣白紗中單俱用青飾領
緣赤羅裳青緣赤羅蔽膝大帶用赤白二色絹革帶佩
綬白襪黑履一品至九品俱以冠上梁數分等第

公冠八梁加籠中貂蟬立筆五折四柱香草五段前後
用玉為蟬 侯冠七梁加籠中貂蟬立筆四折四柱香

草四段前後用金為蟬 伯冠七梁加籠中貂蟬立筆
二折四柱香草二段前後玳瑁為蟬俱左插雉尾
駙馬冠與侯同不用雉尾

一品冠七梁不用籠中貂蟬革帶與佩俱用玉綬用綠
黃赤紫四色絲織成雲鳳四色花錦下結青絲綢綬環
二用玉笏用象牙 二品冠六梁革帶綬環用犀餘同
一品 三品冠五梁革帶用金佩用玉綬用黃綠赤紫
四色織成雲鶴花錦下結青絲綢綬環二用金笏用象
牙 四品冠四梁革帶用金佩用藥玉餘同 五品冠

三梁革帶用銀釵花綬用黃綠赤紫四色盤雕花錦下
結青絲綢綬環二用銀鍍金笏用象牙 六品七品冠
二梁御次加獬豸革帶用銀佩用藥玉綬用黃綠赤三
色絲織成練鵲花錦下結青絲綢綬環二用銀笏用槐
木 八品九品冠一梁革帶用烏角佩用藥玉綬用黃
綠二色絲織成鸛鵲花錦下結青絲綢綬環二用銅笏
用槐木

右朝服于 大祀慶成正旦冬至 聖節及頒降開
讀 詔赦進表傳制則服之

雜職等官 洪武三十年奏准凡遇大朝賀等禮亦照九品官具朝服行禮

文武官員公服 用盤領右衽袍或紵絲紗羅絹從宜製造袖寬三尺 一品至四品緋袍 五品至七品青

袍 八品至九品綠袍 未入流雜職官袍笏帶與八品以下同

公服花樣 一品用大獨科花徑五寸 二品用小獨

科花徑三寸 三品散搭花無枝葉徑二寸 四品五

品小雜花紋徑一寸五分 六品七品小雜花徑一寸

八品以下無紋

幘頭用漆紗二等展角各長一尺二寸其雜職官員幘

頭用垂帶

笏依朝服為之

腰帶 一品用玉或花或素 二品用犀 三品四品

用金荔枝 五品以下用烏角鞋用青革仍垂撻尾于

下鞞用皂

右公服在京文武官于每日早晚朝奏事及侍班謝

恩見辭則服之在外文武官員于每日清早公座

服之

凡各處雜職未入流品人負若遇大朝賀進表等陪班行禮止用公服

公侯駙馬伯公服 洪武二十四年定服色花樣腰帶

與一品同 文武官公服花樣如無從織買用素隨宜

朝服公服制度内外文武官同具公服武官應直守衛

者不拘此服 二十六年令常朝止穿便服若遇朔望

具公服朝參内外未入流雜職官幞頭展角與入流官

同不用垂帶

文武官員祭服 文武官陪祭一品至九品青羅衣白

紗中單俱用皂領緣赤羅裳皂緣赤羅蔽膝方心曲領

其冠帶佩綬等第並同朝服 洪武六年定品官家用

祭服三品以上去方心曲領四品以下并去佩綬 二

十九年令在外未入流官陪祭俱用祭服與九品同

文武官員常服用雜色紵絲綾羅綵繡庶民止用紬絹

紗布不許別用花樣 公侯駙馬伯麒麟白澤 文官

一品二品仙鶴錦鷄 三品四品孔雀雲鴈 五品白

鵬 六品七品鷺鷥鸕鶿 八品九品黃鸝鶴鶉練鵲

風憲官用獬豸 武官一品二品獅子 三品四品
虎豹 五品熊羆 六品七品彪 八品九品海馬犀
牛

凡官員及軍民僧道人等衣服帳幔並不許玄黃紫三色并織繡龍鳳文違者罪及染造之人其朝見人負四時並用顏色衣服不許純素

洪武禮制 凡各處雜職未入流品人負若遇朝賀進表箋陪班行禮止用烏紗帽紅團領衫黑角束帶 凡文武官常朝視事以烏紗帽團領衫束帶為公服一品

玉帶二品花犀帶三品金級花帶四品素金帶五品銀級花帶六品七品素銀帶八品九品烏角帶 凡年老

致仕及侍親辭閒官員許用紗帽束帶若為事黜降者服與庶人同 洪武三年令百官服色準所授散官不許見任之職 二十二年令文武官除本等紗帽外遇

雨雪許戴雨帽公差出外許帶帽子入城不許其公差人負出外者亦如之 二十三年令官員人等衣服寬窄以身為度文武官衣長自領至裔去地一寸袖長過

手復回至肘袖樁廣一尺袖口九寸公侯駙馬與文職

官同武職官衣長去地五寸袖長過手七寸袖樁廣一尺袖口僅出拳 二十四年定公侯駙馬伯束帶與一品同雜職未入流官與八品九品同 三十年令致仕官服色與見任同若遇朝賀及謝 恩見辭一體具服行禮 景泰四年令錦衣衛指揮侍衛者得衣麒麟服色 天順二年令官民人等衣服不得用蟒龍飛魚斗牛大鵬象生獅子四寶相花大西番蓮大雲花樣及姜黃柳黃明黃玄綠等色 儀賓凡朝服公服常服俱照品級與文武官同惟笏皆用象牙常服花樣視武官

嘉靖七年 勅製忠靜冠服許在京七品以上翰林國學行人在外方面府州縣正學官武職都督以上服之 教坊司官冠服 洪武間令教坊司官常服冠帶與百官同至 御前供奉執粉漆笏服黑漆幘頭綠羅大袖襴袍黑角偏帶皂靴 命婦冠服禮服 一品冠用金事件珠翟五箇珠牡丹開頭二箇珠半開三箇翠雲二十四片翠牡丹葉一十八片翠口圈一副上帶金寶鈿花八箇金翟二箇口銜珠結二箇 二品至四品冠用金事件珠翟四箇珠牡丹

丹開頭二箇珠半開四箇翠雲二十四片翠牡丹葉一十八片翠口圈一副上帶金寶鈿花八箇金翟二箇口
叮珠結二箇 一品至四品霞帔褙子用雲霞文釵花
金墜子 五品至六品冠用抹金銀事件珠翟三箇珠
牡丹開頭二箇珠半開五箇翠雲二十四片翠牡丹葉
一十八片翠口圈一副上帶抹金銀寶鈿花八箇抹金
銀翟二箇口啣珠結子二箇霞帔用雲霞文 五品鍍
金釵花銀墜子 六品釵花銀墜子 七品至九品冠
用抹金銀事件珠翟二箇珠月桂開頭二箇珠半開六

箇翠雲二十四片翠月桂葉一十八片翠口圈一副上
帶抹金銀寶鈿花八箇抹金銀翟二箇口啣珠結子二
箇 七品霞帔褙子與八品同 八品九品霞帔用繡
纏枝花墜子與七品同褙子繡枝團花 洪武五年定
命婦團衫之制以紅羅為之繡重雉為等第一品九等
二品八等三品七等四品六等五品五等六品四等七
品三等其餘不用繡雉 二十四年定命婦冠服公侯
伯與一品同大袖衫用真紅色一品至五品紵絲綾羅
隨用六品至九品綾羅紬絹隨用霞帔褙子皆用深青

段匹公侯及一品至二品金繡雲霞翟文三品四品金繡雲霞孔雀文五品繡雲霞鴛鴦文六品七品繡雲霞練鵲文 命婦入內朝見 君后在家見舅姑并夫及祭祀則服之 大袖衫領闊三寸兩領直下一尺間綴紐子三前身長四尺一寸二分後身長五尺一寸內九寸八分行則摺起末綴紐子二紐在掩紐之下拜則放之袖長三尺二寸二分根闊一尺口闊三尺五分落摺一尺一寸五分掩紐二就用衫料連尖長二寸七分闊二寸五分各于領下一尺六寸九分處綴之于掩下各

綴紐門一以紐住摺起後身之餘者兜子亦用初料兩塊斜裁上尖下平連尖長一尺六寸三分每塊下平處各闊一尺五分縫合于領下一尺七分處綴之上綴尖縫合以藏霞帔後垂之末者霞帔二條各長五尺七寸闊三寸二分各繡禽七隨品級用前四後三各繡臨末左右取尖長二寸七分前後分垂橫綴青羅攆子牽聯並之前垂三尺三寸五分尖綴墜子一後垂二尺三寸五分臨末插兜子內藏之墜子中鈿花禽一四面雲霞文禽如霞帔隨品級用笏以象牙為之團首方脚長

六寸四分闊一寸五分厚一分五厘

命婦常服 洪武二十四年定命婦用顏色圓領衫

進士巾服 洪武初定進士巾如今烏紗帽之製頂微

平展角闊寸餘長五寸許系以垂帶皂紗為之深色藍

羅袍緣以青羅袖廣而不殺革帶青鞋飾以黑角垂鞋

尾于後笏用槐木 廷試後赴國子監領出傳臚日服

之至上表謝 恩後謁 先師孔子行釋菜禮畢始易

常服其中袍等仍送國子監交納

狀元冠服 朝冠二梁緋羅為之圓領白絹中單錦綬

蔽膝金槐笏一把紗帽一頂光素銀帶一條藥玉佩一

副朝靴羶襪各一雙俱在內府製造禮部官引至 御前頒賜

上表謝 恩日服之

生負巾服 洪武二十四年定生負欄衫用玉色布絹

為寬袖皂緣皂條軟巾垂帶

吏負巾服 洪武四年定各衙門掾吏令史書吏司吏

典吏穿皂盤領衫繫絲條戴四方平定巾 十四年命

吏負皂衣改用青色 三十年令令史典吏皆服吏巾

巾樣不與庶民同

士庶巾服 公使人等附

士庶初戴四帶巾令改四方

平定巾雜色盤領衣不用黃執仗之士首服鍤金額交
脚幘頭服諸色辟邪寶相花裙襖銅葵花束帶皂紋靴
刻期冠方頂巾衣胸背鷹鷄花腰線襖子諸色闊絲匾
條象牙雕衣環行滕八帶鞋皂隸冠圓頂巾衣皂衣

洪武三年令庶民男女衣服並不得僭用金繡錦綺紵
絲綾羅許用細絹素紗其首飾釧鐲並不許用金玉珠
翠止用銀鞋不得裁製花樣金線粧飾 四年令皂隸
公使人穿皂盤衫戴平頂巾繫白裕膊帶錫牌 六年

令庶民巾環不得用金玉瑪瑙珊瑚琥珀未入流品者
並同庶民帽不得用頂帽珠許用水晶香木校尉質孫
束帶幘頭靴鞋刻期雕刻雜花象牙條環外餘同庶民
十四年令農民之家許穿細紗絹布商賈之家止許
穿絹布如農民之家但有一人為商賈者亦不許穿細
紗 校尉用金鵝帽黑漆戩金荔枝改作銅釘樣每五
釘攢就四面稍起邊欄鞋用青緊束之 各衙門祇禁
原穿皂衣改用淡青 凡僧道服色禪僧茶褐常服青
條玉色袈裟講僧玉色常服綠條淺紅袈裟教僧皂常

服黑條淺紅袈裟僧官皆如之道士常服青法服朝服
皆用赤色道官亦如之惟僧錄司官袈裟道錄司官法
服朝服皆綠紋飾以金 二十二年令將軍力士校尉
旗軍常戴頭巾或裨腦官下舍人并儒士吏負民人等
常戴本等頭巾鄉村農夫許戴斗笠蒲笠出入市井不
禁不親農業者不許 二十三年令耆民儒士生負衣
制同文職惟袖長過手復回不及肘三寸庶民衣長去
地五寸袖長過手六寸袖樁廣一尺袖口五寸軍人衣
長去地七寸袖長過手五寸袖樁廣不過一尺窄不過

七寸袖口僅出拳 二十五年令文武官員同籍父兄
叔弟姪子婿及儒士生員吏典知印承差欽天監天
文生太醫院醫士瑜珈僧正一道士將軍散騎舍人帶
刀之人正伍馬軍并馬軍小旗教讀 大誥師生許穿
靴校尉力士遇上直許穿出外不許其庶民商賈技藝
步軍及軍下餘丁管步軍總小旗官下家人火者皂隸
伴當在外醫卜陰陽人皆不許止許穿皮扎鞞其北平
及山西山東陝西河南并直隸徐州地寒人民許穿牛
皮直縫靴 二十六年禁官民步卒人等不許服對襟

衣惟騎士不拘

士庶妻冠服 婢使人等附

士庶妻首飾許用銀鍍金

耳環用金珠釧鐲用銀服淺色團衫許用紵絲綾羅紬
絹 洪武五年令凡民間婦人禮服惟用紫染色絕不
用金繡凡婦女袍衫止用紫綠桃紅及諸淺淡顏色不
許用大紅鴉青黃色帶用藍絹布凡女子在室者服飾
之高頂髮用絹布狹領長襖長裙小婢使館雙髻用長
袖短衣長裙 成化十年禁官民人等婦女不許借用
渾金衣服寶石首飾

樂人中服 樂藝冠青卍字頂巾繫紅綠褙膊樂妓則
戴明角冠皂褙子不許與庶民妻同 洪武十二年令
教坊司伶人常服綠色巾以別士庶之服十四年令樂
人戴鼓吹冠不用錦條惟用紅褙膊服色不拘紅綠

二十一年令教坊司婦人不許戴冠穿褙子 二十五
年令樂工當承應許穿靴出外不許 三十年令樂人
衣服許用明綠桃紅玉色水紅茶褐顏色其餘不得穿
用非色長樂工俱戴皂頭巾繫雜色條

御前供奉俳長皆服鼓吹冠紅羅胸背小袖袍紅絹褙

膊皂靴 色長皆服鼓吹冠紅青綠紵絲衫畫百花袍
紅絹裕膊 歌工皆服弁冠紅羅織錦胸背大神袍紅
生絹錦領中單黑角束帶紅熟絹錦脚袴皂皮琴鞋白
綿布夾襪 樂工服色與歌工同

中宮供奉女樂奉鑾等官妻本色髮髻青羅圓領 提
調女樂服黑漆唐中大紅羅銷金花圓領鍍金花帶皂
靴 歌童女樂服黑漆唐中大紅羅銷金裙襖胸帶大
羅抹額青綠羅衫畫雲肩描金牡丹花皂靴 奏樂女
樂服色與歌童同

